

سروش

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۱-۸

۱۹ رجب ۱۳۳۰ پنجشنبه ۲۱ خزیران ۱۳۲۸

عدد ۱۸-۲۰۰

بولوناجنی اولویته ثابت اولور . نسطوریلرک علوم عیسویه نك حقیقی وارثلری اولدینی تسلیم ایدیلنجه علامات پیغمبری یهده واقف اولاجقلری و بولا منتظر بولوناجقلری طبعیدر .

۲ - بوده مسلمانندرکه اسکیدن انسانلر ، کچمشارله دکل ، دائما کله جکلرله اوغراشیرلردی . باقالم کیم نه کشف ایتش ، کیمک دیدیکی چیقور ، دیه امور مستقبله دن خبر ویرمک اوللری عادتاً مودا حکمنی آلمشدی . حکمدارلر یاباجقلری هر شیئی منجملره دانیشمه دن یامازلر ایدی . کهنه ، سحره یك چوقدی . بوده تاریخلرله نابتدر . بعثت زماننده عموم افکارده برپیغمبرک ورودینه انتظار وار ایدی . (بومسئله لرده ایلری ده ایضاح واثبات اولنه جقدر) بحیراده دخی بویه برمرق بولونماسی استبعاد ایدیله من .

۳ - بحیرانک کاروان خلقدن اون ایکی یاشنده برچوجنی مجلس صحبتته چاغیرمه سی دلالت ایدرکه حضرت پیغمبرده - هر نه صورتله اولورسه اولسون - هر حالده بر طاقم خوارق کورمش اولاجقدر .

۴ - شامه کبتمک اوزره یوله چیقان برکاروانک شامه کیرمه دن عودت ایتمه سی یوله هر حالده فوق العاده بروقه نك حدوشنه دلالت ایدر .

۵ - ملاقاتک - ینه نه صورتله اولورسه اولسون - چوق زمان دوام ایتمه دیکی ده اکلایلیر . چونکه تجارت ایچون یوله چیقان برکاروان چوق زمانلر قالا مازدی ، امور تجاریه ده وقتک قیمتی اسکیدن ده تقدیر اولونماز دکلدی .

۶ - حضرت پیغمبری ده اوراده بر اقامازلردی ، چونکه هم اوافق برچوجق ایدی ، هم ده ابی طالب حضرت پیغمبری چوق سوردی ، برادر زاده سنی یانندن آیروب برپاپاسه بر اقامسی احتمال داخلنده دکلدی .

۷ - تاریخ و کتب سیرله ده نابتدر . برنجی مقاله مزده بیسان ایتدیکمزکی بویه برروایت تاریخلرده اصلا موجود دکلدی . چونکه فخر عالم افندیمنک کونی کونه ترجمه حال سعادت اشتالیری تحریر ایدلمشدر . تا دوغدینی کوندن آخرتی تشریفلرینه قدر نه صورتله عمر کذار اولدقلری مقید اولدینی کی ، فعل رسوله تبعیتی اعزم مقاصد عد ایدن اصحاب کرام ، فخر عالمک کیجه لرک نه صورتله کچیردیکنی ، نه صورتله یاندیغنی ، ناصل غسل ایتدیکنی الاوافق تفرعانه وارنجیه قدر هر فعلی تحقیق و تدقیق ایله اونلره تبعیت ایدرلر و او تبعیتی کندیلرینه شرف بیلیرلردی . بوتدقیقات بعدالنبوه اولدینی کی قبل النبوه دخی اول افضل مخلوقاتک هر حال وشانی بلا انقطاع مکملأ یازلمشدر . والده سندن نه زمان دوغدینی ، حتی دوغارکن نه کی خوارق ظهور ایتدیکنی ، هانکی سوت والده لرده نه قدر مدتلرله امزیرلیدیکی ، چوجقلنک کنجکلنک بعثته قدر ناصل کچدیکنی ، زمرلری سیاحت ایدوب ، کیملرله کوروشدیکنی و نه صحبت ایتدیکنی ، نه قدر آت ، قیلیچ ، زره ، مزراق

دون ، زعفرانی ورس (بر نوع بویالی اوت) لی البسه ، مست کیمه یکنز دیر ، فقط آیقلره کیله جک احرام باشقلری بولندیغنی صورتده مستلرک قولنجلرینی طویق آلتلرندن کسه رک کیله بیله جکنی سوبلرلردی . رسول اکرم افندمن حضرتلری احرامده بولسان قادیلری یوزلرینه پرده اصمه لرندن ، اللرینه الدیون ، اوزرلرینه زعفرانی ورسملی اثواب کیمکدن منع ایدر ، احرامدن چیقنجه هر سودکلی اثواب کیمه بیله جکلرینی بیلدیرلردی .

ام المؤمنین حضرت عایشه دیرکه : بر حج سفری ائناسنده ، بز محرم اوله رق رسول اکرمک معیتده بولنیوردق . کلوب کچمکده بولنان رکبان یانمز یاقلاشنجه پیغمبر بریمزک فراجه سنی آله رق یوزلرمنه قاپایورلدی . آنلر بز دن اوزاقلاشنجه یوزلرمنی آچاردق ..

پیغمبر افندمن ، بیلیمیه رک کوملکنی چیقارمکن احرام ایدنلره صویونلرینی تنیه ایدر ، فقط فدیله امر ایتزلردی .

علیه الصلاة والسلام افندمن ایجابنه کوره مثلاً حرارتدن طولانی کولکه لیمکه مساعده ایدرده ، باشک اورتیلیمه سنی جائز کورمز لردی . بنی محترم افندمن حضرتلری بر معذرت بولنما دجه محرمک سلاح طاقینماسنی منع بویورلردی ..

حلیم ثابت

مدافعات دینه

اسلامیت حقنده

هکدک مکالمه سی مناسبتیه (تعلیم نبی) ادعانه ریه

— ۵ —

۱ - کتب مقدسه ده ، انجیل شریفده فخر عالم افندیمنک علاماتی بیان اولوندینی محققدر . شیمدیکی انجیللرده بیله حالا موجوددر . انجیل یوحنا نك ۱۴ ، ۱۵ ، ۱۶ نجی بابلرنده بیان اولونان حضرت عیسانک : « بندن صوکره فارقلیط [تعبیر یونانیسی پاراقلیتوس ، دها دوغروس (بریقلیتوس) که معناسی احمد اسم شریفنه معادلدر] کله جکدر اوکا اتباع ایدیکز » قول شریفی ذی حیات بر شاهد عادلدر . کذا توراتلرده بر قور تاریخی کله جکی ده مصر حدر . زبورده اعمال رسللرده بشار محمدیه بیان ایدلمشدر . نسطوریلرک ایسه حضرت عیسانک علومنه واقف بولوندقلری مناظرلرمنک بیاناتی ایله اولجه نابت اولدی . حال حاضرده موجود اولمایان انجیلده کیم بیلیر دها نیجه تفصیلات موجود ایدی ، یونتوله یونتوله بو قدر قالان انجیللرده اوصاف وعلامات پیغمبری موجود اولونجه اصل انجیلده دها زیاده

فخر عالم افندمن قرق یاشنده ایکن رسالت شریفه مبعوث اولدی. چونکه عقل انسان قرق یاشنده کما کلمش عد اولونور. یکر می اوج سنه ده، بعض روایتلرده یکر می ایکی سنه آلتی آیده، هپ وحی الهی نازل اولویوردی. دیمک اولویورکه قرق یاشندن صوکره یکر می اوج سنه طرفنده من طرف الله تعلیم پیغمبری واقع اولدی. الله ذوالجلال حضرتلری - حکمة - یکر می اوج سنه ده پیغمبری اوکرتدیکی حالدده نسطوری راهی بحیرا برکورو شده بونلری اوکرتمه سی ممکناتدن دکدر، بونی ادعا پک غریب دوشر.

دعا غیری شوراسیدرکه جناب پیغمبرک قرق یاشنده اعلان نبوت ایتدیکی محقق. اون ایکی یاشنده ایکن بحیرا ایله ملاقات ایتدیکی ده ثابت. اون ایکی ایله قرق یاشلری آره سنه ده یکر می سکز سنه لک بر مدت طویله موجود. اون ایکی یاشنده تعلیم ایدیلن برعلمی یکر می سکز سنه صوکره حضرت پیغمبرک ادعا ایتمه سی و او تملک ثمره سی اولارق مکمل بر دین میدانده چیقارماسی اغرب الغرابدر. غرب افکارینک، عفولرینه مغرورآ، بو تمل مسئله مننه قائل اولانلرینه دیرزکه: «بوسوزلری یازارکن غالباً بتون منطق وانصافی ایقلا رتله الیکز.»

ح. محمود شوکت

اجتماعی

فهمینیزم مسئله سی مناسبتیه

— ۵ —

افندمن رآراب ملیه یور ایمنه؟

قولرا میقروبلری کی وجود ملیزمک - مستعد بولدقلری - عضولرینه اوشوبه رلک سملرینی تلقیحه چالیشان میسیونرلرک ماعیت جانیه لرینه ینه کندیلری - ماملریله برابر - شاهد ذی حیات ایکن اوروپانک اوسفیه فیلوزوفلرینک، اوزندوست حکیملرینک، معبوده لری نامنه شراب ماصاسی ثوننده حیوانی برعشق وسودا رعشه لری ایچنده یازمش اولدقلری و کندیلرینک - یعنی: نسائون بکلرک - درین برامعان نظرو حکمتله او قویوب آتشین بر حرارت تجیل ایله آلقیشلا - دقلری حقوق مقدسه وموقع بالاترین نسوان دساتیرینی قوجه برکتله عثمانیه، یکر می ملیونلق بر هیئت اجتماعیة اسلامیه قبول ایتدیرمکه مفرط بر غیرت تمدنله (?) چیلدیراسی به بر سودای ترقی وتکامل (?) ایله چالیشملری، هله سربستی وجدان وحریت کلامه استناداً مردانه قارشیلرینه چیقان ونظریات مافوق الادرا کلرینی (!) بوتون عریانغیله، بوتون چیرکینلیکله میدانده قویان اسلامیت وعثمانیت مدافعلرینی وحشی برتعصبه اتهام وتهدید ارتجاع ایله اسکات ایتمک ایسته ملری موازنه عقله لرینی بوتون بوتون غیب ایتدکلرینه دلالت ایتزمی؟

وساژه استعمال ایتدیکی خصوصاتنه وارنجیه قدر جمله سی برر برر ثبت وتحریر ایدلمشدر.

بوخبرلر ایچنده بعض راویلرک اختلافی وارسه اواختلافلر دخی محو ایدلمشدر، حدیث روایت ایدن ذوات دخی شایان وثوق واعتماد کیمسه لردر. احادیثدن کتب سته نک نه صورتله میدانده کلدیکنی، اونلره واقف اولانلر بیلیلر. یوز بیکلرله احادیثی جامع اولان مذکور الی کتاب تاریخ احمدی بی او قدر مکملیتله حاویدرکه آندن مکمل بر تاریخ یازمق جدآ وحقیقه قابل اولاماز. سیر شریفه احمدیه بویله جه یازلمشدر، حالبوکه تعلیمه دائر هیچ بر روایت یوقدر. اکر حقیقه تعلیم اولسایدی بونی صاقلامقده نه معنا اولابیلیردی؟ کوچک ایکن بری طرفندن بر پارچه تعلیم ایدیلن بر ذات آرتق صوکره پیغمبر اولمازمی ایش؟ حضرت ابراهیمک اوغلی اسماعیل واسحاق وحضرت اسحاقک اوغلی یعقوب، یعقوبک اوغلی یوسف (علیهم السلام) حضراتی پدرلرندن اخذ علوم ایتدکلری حالدده ینه پیغمبر ایدیلر. صداقت پیغمبری به بزم دلیلمز یا لکنز بومسئله دکدرکه بوندن او قدر توحش ایدیلسین، بوندن ماعدا یوزلرله دلائل موجوددر.

**

ملاقات بی بیان ایتدیکنمز صورتله جریان ایتدیکی محقق اولمغه برابر بالفرض والتقدير دراپه رلک دیدیکی کی اولسه بیله اولادراپه ر وهه کل ودها بوفکره قائل اولانلردن صوراریزکه: اون ایکی یاشنده اولان - که بوده اونلرک مسلمیدر - بر طفل مبارک نه قدر خارق العاده بر ذکایه مالک اولسه دخی بر قاچ ساعت، حتی بر قاچ کونلر ایچنده نه اوکره نه بیلیر؟ حکمیات وفلسفاتی، حقائق کونییه، شرق کلیساسنک احوالی، نسطوریلرک دوچار مظالم اولدقلرینی، حضرت عیسائک ابن الله دکل، ابن مریم اولدقینی، ارسطو فلسفه سنی اون ایکی یاشنده بر جوجغک برکورو شده تعلیم ایتمی دوعروسه هیچ بر عاقل طرفندن در میان اولوناماز.

ملاقات مذکوره وقوعه کلدیکی زمان پیغمبریمز افندمن حضرتلری هنوز اون ایکی یاشلرنده ایدیلر، حتی روضه الاحبابک کتب قدیمه سیردن آلوب قید ایدلیکنه کوره عمر شریفلرندن تمام اون ایکی سنه، ایکی آی، اون کون کچمش ایدی.

بویله بر معصوم ایله خرسیتانلغک ایلک مذهب توحیدندن وصوکره کی تثلیثندن بوقدر مهم شیلردن بحثه کیریشیله بیلیرمی؟ باخصوص یانلرنده قوجه بر کاروان خلقی موجود وحاضر ارلدینی حالدده بالفرض والتقدير اولیه بر مباحثه ایدلمش اولسه اونلره مجهول قالیرمی ایدی؟ او بحث دخی بالآخره آغزندن آغزه، راویدن راوی به انتقال ایدرک سیر شریفه کتابلرینه قدر واصل وداخل اولمازمی ایدی؟

بحیرا ایله رسول الله افندیمز آره سنه کی ملاقاتک اوروپالیلرک دیدیکی وجه وصورتده وقوعه کلمش اولماسنه صباوت محمدیه نک مانع اولاجینی ده طبعیدر.

**